



KABINET DIREKTORA

Broj: 01- 02-2-764/11
Banja Luka, 30.03.2011. godine

Na osnovu člana 15. Zakona o Upravi za indirektno - neizravno oporezivanje ("Službeni glasnik BiH", br. 89/05) i člana 57. Zakona o carinskoj politici Bosne i Hercegovine ("Službeni glasnik BiH", br. 57/04, 51/06, 93/08 i 54/09), direktor Uprave za indirektno - neizravno oporezivanje, d o n o s i

N A R E D B U

o nadležnosti carinskih ispostava i o pojačanim mjerama nadzora za carinjenje određenih roba

I

Ovom naredbom određuje se mjesna nadležnost carinskih ispostava za provođenje carinskog postupka puštanja u slobodan promet i pojačane mjere nadzora za slijedeću robu:

- 1) jestivi klaonički proizvodi (tarifni broj 0206),
- 2) vučna vozila (tarifni broj 8701.20),
- 3) putnički automobili (tarifni broj 8703),
- 4) teretna vozila (tarifni broj 8704),
- 5) autobusi (tarifni broj 8702),
- 6) priključna vozila za teretna vozila (tarifni broj 8716),
- 7) vozila za specijalne namjene (tarifni broj 8705)

II

Carinska prijava za stavljanje u slobodan promet robe iz tačke I ove naredbe podnosi se u carinskim ispostavama mjesno nadležnim prema:

- 1) sjedištu uvoznika,
- 2) prebivalištu/boravištu fizičkog lica koje podnosi carinsku prijavu ili za koje se podnosi odnosna carinska prijava,

Ukoliko se u sjedištu uvoznika ili prebivalištu/ boravištu fizičkog lica ne nalazi carinska ispostava, carinska prijava se podnosi najbližoj carinskoj ispostavi.

III

Za robu iz tačke I ove naredbe koja je smještena u carinsko skladište i slobodnu zonu, carinska prijava za stavljanje u slobodan promet podnosi se samo otpusnoj carinskoj ispostavi određenoj u odobrenju za držanje carinskog skladišta, odnosno carinskom organu nadzornom za slobodnu zonu.

Za robu iz tačke I ove naredbe koja se stavlja u slobodan promet nakon postupka privremenog uvoza, carinska prijava za stavljanje u slobodan promet podnosi se samo carinskoj ispostavi kod kojeg je započet postupak privremenog uvoza.

IV

Uzimajući u obzir specifičnost robe iz tačke I ove naredbe, potrebno je da postupajući carinski organ u provođenju carinskog nadzora i kontrole u carinskom postupku stavljanja te robe u slobodan promet, posebnu pažnju obrati na:

- 1) detaljan fizički pregled robe, a kada to nije moguće u carinskim prostorijama, u prostorijama uvoznika u kojim slučajevima se roba do prostorije uvoznika upućuje pod carinskim obilježjem za robu iz tarifnog broja 0206,
- 2) detaljnu provjeru priložene neophodne dokumentacije uz carinsku prijavu i usaglašenost iste sa stvarnim stanjem prijavljene robe i podacima u carinskoj prijavi,
- 3) uzimanje uzoraka radi laboratorijske analize za robu iz tarifnog broja 0206,
- 4) provjeru dokaza o porijeklu robe,
- 5) provjeru faktura kod carinskih organa zemlje izvoznice, u skladu sa važećim sporazumima o carinskoj saradnji (prema procjeni rizika),

a sve u cilju identifikovanja i svrstavanja robe prema Carinskoj tarifi BiH, utvrđivanju carinske vrijednosti i pravilne primjene carinskih i drugih propisa koji se primjenjuju na tu robu i postupak.

U slučajevima u kojima isti kupac redovno od istog pošiljaoca uvozi istu robu sa istom vrijednošću, kod provjera dokaza o porijeklu i vjerodostojnosti faktura pažnju usmjeriti da predmet takve provjere ne budu svi slučajevi uvoza, nego povremene provjere prema procjeni rizika.

V

Ova naredba stupa na snagu danom donošenja.

Dostaviti:

1. Kabinet direktora
2. Regionalnim centrima - Odsjeku za carine
3. Sektorima i Odjeljenjima UINO
5. a/a

V. D. DIREKTOR

mr. sc. MIRO DŽAKULA